



說部叢書第四集第十八編

魔俠傳



卷

魔俠傳卷下

第四段

第一章

奎沙達之爲人。事事摹古。於任俠一事。尤拘牽迹象。泥古可笑。乃不知方今之時。無所謂俠義者。行之適足駭人聽聞。然奎沙達讀古書多。且博覽小說。凡古人所爲之事。一一踐迹而行。無一出於杜撰。然不通極矣。上章言醫生及薙髮匠。方欲以言勸慰卡治諾。忽聞有異聲。猝發幽咽。可憐。顧未見其人。已聞其言曰。嗟夫。蒼蒼者天。吾今竟至此地耶。此地卽我埋幽之所耶。然吾身實不願生矣。此間地幽而氣清。暴骨亦無人見。吾雖死。吾心轉以爲樂。樂豈真樂。亦有人倡我至此寬閒寂寞之區。今尙何言之足愬。雖然。旣至此間。旦夕可以呼天而

告而吾終不告之人者人皆臬。險不足述。吾苦也。且事既至此。萬無可迴。吾何必苦苦求人。轉自尋其煩惱。醫生及薙髮匠。了了咸聞其言。爭起而往覓之。乃二十步以外。見一少年。衣村人之衣。坐於槐樹之後。臥石之上。乃不見其面。以此少年方納足於一泓清水之中。自濯其足。伏身面水。故不之見。二人徐進。繞出其背。少年初未之知。二人見此少年之股潔白如雪。且脂膩作玉色。玉之美者不能過也。二人大驚。想此嬌柔之少年。萬非山居者。卽衣村人之衣。亦萬非躬荷鋤犁。力耕隴上之比。此時卡治諾亦正隨二人之後。尋聲而至。醫生搖手示二人。隱身於石後。二人如言斂避。然自石上縱目。仍了了可見此少年著灰色之短衣。腰束白布。裪亦灰色。冠獵人之冠。裪卷至膝上。脛肉之膩白照眼也。少年濯後。自冠中出素巾拭其足。始昂頭仰望。於是三人咸見卡治諾謂薙髮匠曰。此少年之美。乃類魯西達。世間舍魯西達。無是佳麗也。復見此少年。去其

冠而秀髮。四披其背。髮長且多。幾欲周被其身。不惟背也。於是三人咸知其爲女子。且極人間之至美。卡治諾曰。人間舍魯西達外。真無與此女爲匹者。女引手分其髮。手亦纖白如玉。臂亦半出。玉色輝映。三人均驚駭。無藝爭出與女爲禮。女聞有人聲。大駭。以手分披其髮。挈取其身旁之包。裏跳躍而逃。竟不及取其履。然六步以外。足心已爲棘刺伏於地上。三人爭集其前。醫生曰。女士勿驚。我非噬人之人。初無他意。特來助女士。並問所苦。醫生以手挽起其人。而女尙蒼黃無主。喑不能言。醫生以語慰止之。曰。女士矯裝爲男。今已露其真相。當知吾非強暴者。苟需吾力。匪不盡死。請女士述其所苦。吾必爲力。且女士情狀。以絕代之仙姿。爲農奴之裝。入此深山。斷非無故。苟訴所苦。或有解免之方。請一告我。須知世間不盡僉壬。矧吾輩非一問卽已。雖不能少効微勞。然亦足以菲言。解釋女士之憂。女子聞言起立。視此三人如醉夢之乍醒者。且似村居人。

入城市觀繁夥之區。匪處不屬。日者醫生則任其愕。顧久之。女始太息。言曰。今此地亦不能隱吾真相。吾髮已不期而告人。顯吾之爲女身。吾亦何避之有。諸君必欲聞吾不幸之事。並允見助。吾胡深匿而不言。諸君果聽吾言。必爲快快。蓋吾身之禍。實無術足以起死而迴生。事關祕密。不可告人。本擬挈入窰窰之間。與吾骨同朽足矣。今此地四嚮無人。亦無他人旁聽。不如懇苦於諸君。以伸吾之積憤。語時。紅潮被頰。而醫生則心憐之。趣言其狀。於是讓女下其禪。著其履襪。以便坐談。女如言。振衣著履。襪後女嗚咽久久。始吐其悲音。而三人則坐於纖草之上。傾耳以聽。女曰。吾生於安達路夏。彼中有公爵。卽安達路夏公爵。有大聲於西班牙中。公爵有二子。大公子忠愿。保家之主也。二公子名忽地南。得陰險異常。吾父爲公爵之佃人。職同於廝皂。然極富而賤。果不賤者。則吾之被禍。亦不至是之酷。唯血脈不出貴族。雖具絕代麗姿。亦不足自拔其身。實則

吾父之門第亦非下賤。惟累世農夫。未嘗舍耕而他事。世稱善人。特不官於朝。故不見貴於俗。然積累厚。享用亦豐。不知者亦推吾家爲上等人。家無男丁。但吾一人。愛如拱璧。二老見我而樂。其視家資之富。似轉輕於我。親意旣重我。乃悉以家資付我一人司之。吾獨肩家事。部署周至。未嘗使二親有晷刻之勞。餘暇則治女紅。或織或繡。或讀書彈琴。琴之爲用至神。足以蘇人之困。以上均吾家居之常軌。此卽爲吾得禍之張本。非以失德貶操。自招其禍也。吾長日家居。初不面人。偶出但至教堂而已。然每至教堂。必以晨出。出必隨母。且厚加面罩。至於不辨道徑。顧雖如是。自掩其美。然吾之美麗。人人已盡知之。乃有人踵門而求婚。使我不得寧晷。而忽地南得者。卽公爵之次子。一日猝然見我。句此時卡治諾立變其色。醫生防其風病復發。乃卡治諾竟如故。不露暴烈之狀。但目視此女。似知其根柢矣。女不察。亦未覩卡治諾之容。仍自言其事。曰。忽地南得。

既見我。卽於窗下謂我曰。吾一見神魂喪失。不知所爲。已而一一示我以性情。其中瑣瑣者。吾不具述。彼且賕屬吾之奴僕。面吾二親。用其側媚之術。使老人歡悅。於是每日必至與吾傾談。且作無數情書。顛倒靡所不至。而吾心終不爲動。恆以峻詞決之。深知其人用心。非正力欲玷我貞操。然得富貴者。求蓬門之女爲妻。自問亦略高其聲價。至屢經懇請。亦不能猛制其愛情。所恨門第相懸。亦漸漸無攀高之想。惟求之既切。不能不允。吾父一日對我言。忽地南得求婚事。曰。我思其人難恃。不如趣避其鋒。爾果欲離其人。當自擇配。汝果有愜於心。吾二人匪不汝從。吾曰。刻無嫁人之思。然自當以術遣卻其人。後此遂卻之而不面。顧乃愈卻而愈速。其前質言之。忽地南得。或且聞吾將嫁。卽思得一術。一夕吾獨居繡闥之間。嚴扃其扉。一女僕隨侍。忽見忽地南得自複室出。立吾之前。吾大驚而暈。然卽非暈而亦不能逸。彼力抱吾身。作情愛語。迨醒但聞其悲。

泣之聲至哀。且摯吾方以爲非出僞託。且年少不更事。竟爲僞情所中。即使廣有閱歷者。亦莫之覺。此時頗憐其癡情。惟萬不甘爲苟賤之行。自污清節。卽凜然挺立。自壯其膽。言曰。公子求婚於我。作此親愛之言。吾意不如兼挾毒藥。而來吾服毒。甘於許婚也。吾一生貞操。較性命爲重。萬不能倉卒爲苟且之舉。質言之。吾初無自敗之思想。爾苟不速去。此間吾當有術自全。汝幸勿以敗柳殘花見目。汝果有人心。萬萬不至刼人於閨闈。我家固爲爾佃。然非奴也。汝幸勿恃貴凌人。且不能逾本分。以取償於我家。我雖農家女。亦矜名節。胡能以公侯之貴。下凌平民。天下富貴而無禮。萬不足以屈抱節之貞女。我亦非尋常之女。振撼於爾之門第。遽爾失身。矧爾悲傷涕泣。似皆僞爲。自有識見之。亦未必卽爲爾動。實告汝。我終以父母之命爲聽。不能匆匆中遽允人。以終身之事。汝今勿僞哀。詐泣以脅我。我寧甘澹泊以待吾命運之來。須知吾所以有家庭之樂。

者。以。孝。節。自。完。故。見。重。於。父。母。若。不。知。自。愛。爲。父。母。所。輕。賤。則。我。又。何。樂。之。足。言。爾。之。爲。人。不。足。妻。我。亦。不。能。鉤。我。之。愛。情。我。之。愛。情。亦。胡。能。輕。易。屬。爾。語。至。此。忽。地。南。得。泣。曰。吾。至。美。之。道。魯。西。亞。汝。何。忍。心。拒。我。果。爾。一。諾。何。人。能。阻。格。我。之。婚。姻。我。之。樂。方。且。浩。無。紀。極。今。我。之。身。心。性。命。悉。懸。爾。手。不。寧。是。卽。死。後。之。靈。魂。亦。盡。屬。於。爾。皇。天。在。上。鑒。我。眞。誠。吾。安。敢。昧。其。天。良。以。愚。爾。語。至。此。卡。治。諾。聞。女。自。述。其。名。卽。思。吾。早。知。其。爲。是。人。矣。果。乃。如。我。之。所。料。卽。亦。不。梗。其。言。聽。之。畢。述。但。問。曰。爾。名。爲。道。魯。西。亞。耶。我。久。已。聞。名。吾。不。幸。之。事。乃。與。女。士。同。也。今。請。更。畢。其。辭。俟。女。士。言。後。吾。更。述。其。與。女。士。同。名。之。人。之。不。幸。女。聞。言。卽。停。睇。視。卡。治。諾。言。曰。君。若。知。吾。事。者。胡。不。明。言。以。示。我。蓋。我。不。幸。之。事。不。願。自。言。君。若。知。之。胡。不。代。述。所。云。同。名。決。非。同。名。事。必。屬。我。天。下。再。有。不。幸。之。人。如。我。者。耶。卡。治。諾。曰。女。士。聽。之。果。吾。猜。度。能。幸。中。者。何。妨。一。言。正。恐。傳。聞。異。詞。

不能一致。故不敢臆斷。今請女士畢其後來之事。然後吾再以言印證。則大家
了了矣。女於是復言曰。忽地南得。顏色誠懇。再以手予我。矢誓如山。吾尙勸勉
之曰。門第高卑。旣不可強同。苟一許婚。則爾後來之身世。正自難問。幸勿醉我
姿色。墜其門伐。蓋此婚約一成。若翁必不之允。以公爵之尊。胡能與田夫結爲
親串。鹵莽爲之。必滋後悔。卽我亦終身無復歡意。豈不成爲怨耦。爾亦何樂爲
之。於是再三解釋。而忽地南得終長跽不起。必欲得我一諾。吾百端勸導。皆如
聾聵。且陳乞之詞。皆不類貴家口吻。吾旣無術以遣其人。則自籌處置之方。因
思自古及今。亦有寒賤之女。上偶貴人。今忽地南得旣如是之肫誠。或且天心
佑我。俾我佳運。何必峻拒其請。且斥去其人。則唧恨於心。勢必仇及老父。亦非
家門之福。矧彼爲男子。安知不行強逼之事。吾無力撐拒。則貞節全隳。亦不足
立於人世。醜聲一播。如何湔滌。於是心亦搖動。此時忽地南得已成淚人。似出

至誠愛我。於是毅力立消。而否運卽乘此時加我矣。立呼女僕入內爲證。而忽地南得復長跽中誓。其詞甚摯。誓後復哭。余心大動。此時女僕遽出而忽地南得之願遂矣。天甫遲明。忽地南得始與吾別。去後渺然。婚事立寢。然臨行。敍別已不類前此之眞誠。徐徐出戒指加我指上。而女僕亦自承隱爲之助。復潛引之而出。吾細思宵來之事。亦不知其爲樂爲悲。竟昏昏然如醉人。思欲責問女僕。然實不測後來之凶吉。乃無敢遽定。然臨別時。尙堅囑之曰。吾身已屬汝。後此尙可以來。商議婚期。乃明日復至。自此以後。音塵遂絕。卽至教堂。亦不之見。四偵初無踪跡。欲潛出尋覓。亦不知所嚮。旋聞人言。忽地南得初不他適。但居邸中。時出行獵而已。諸君試思。吾聞是言。如何能處。信誓已付之逝水。純不可信。先已虞有是事。今乃果然。因嚴斥女僕之行詐。痛哭不止。然亦不能露其憂色。爲父母所知。長日斂避。已知終不能祕。遂一一述其心緒。告之二親。蓋聞忽

地南得已別贅於貴人之家。女名魯西達。既富且美。而忽地南得之傷心害理。舍舊憐新。令人髮指。吾無可申訴。幾欲訴之於父母。卡治諾聞魯西達之名。狂疾幾作。幸能自止。乃聳肩落淚。淒咽無言。然道魯西亞尙續言曰。吾自得此噩耗。乃不能悲。而但盛怒。思欲奔出廣衢之上。一一揭舉忽地南得之陰賊險狠事。告之路人。既而又思得一法。較勝於此。乃陰囑吾父之僕人。隨我變服而行。入城往覓忽地南得。吾僕以爲不可。力止不行。既見吾意甚堅。始允我爲助。吾卽衣其衣。此外包裹金錢寶石。及衣服數襲。以夕出。臨行時。並不示我女僕以所嚮。蓋此出亦不知其所以然。且忽地南得已娶。吾尙何術以止。但能咒詛其無良而已。於吾身何濟。吾行可二日有半。至矣。首問魯西達之家安在。乃不期竟得無數之異聞。所問之人。一一告余以魯西達之婚事。此時城中人匪不知者。謂當結婚之夕。魯西達經牧師一問。願否。魯西達立暈於母懷。牧師及諸人。

啓其襟襟間忽落一書。書言吾不能爲忽地南得之妻。蓋已應許一人。名卡治。諾也。今與忽地南得結婚。特爲父母所命。非宿心也。書外尙有小刃一柄。意行禮後以刀自殊。忽地南得大怒。幾欲奪刀殺魯西達。苟非有人勸止者。此暈女且立盡於刀下。於是忽地南得立行而女於明日疾愈。且告父母。此身已屬卡治。諾定約實在忽地南得之先。此約萬不可背。又聞卡治諾亦隱於幕次。眼見其事。臨去遺一書與其友。言將深入無人之境。與世長辭矣。此皆一一聞諸城人者。遂出已聞魯西達亦不知所適。其父母一聞魯西達失蹤。悲不自勝。吾聞二人未能成禮。此心略慰。方自慶上帝之佑我。彼婚不成。我之幸也。此時尙城居。不知所適。然而忽地南得亦不可覓取。忽聞有人喊於市上。言我之狀貌及衣服。與其年歲。且呼吾名。謂有人覓得者。必酬以多金。似吾父母疑吾逐其僕。人私奔者。吾聞而大戚。知一晌貞操至此掃地矣。卽潛行出城。臨出時見吾僕。

似有異志。遂匆匆奔至此間。冀不爲人所見。顧大禍復旋踵而來。而此僕人。忽萌奸欺之心。乘四顧無人。放膽乞婚於我。我此時若與之抗。必不能敵。幸上天佑我。彼方求逞。所欲立於礪上。語我吾乘其不備。力推之直顛。諸深淵之間。吾亦不計其生死。奔至林間。其速乃逾猿猱。自亦莫知其所以。明日於山中遇見山居之人。引吾至其家。爲之行牧。然彼尙不知吾爲女身也。雖長日慎密。不爲人覺。而一日竟爲所知。則求婚於余。余復逃出。本冀卽山中得一教堂。哭訴生平。卽行自盡。瘞骨於此中。則吾事了矣。

第二章

諸君聽之。以上均吾之遭際。無復虛詞。請諸君爲我審判。吾怨尤之言。果近理否。今乞諸君引我於平安之地。活我餘生。勿令吾父母見之。怒我不貞。縱父母容我。我又何顏以對父母。且不甘以詞自辨。其誣語後羞憤。不可自聊。三人聞

之。咸爲感動。醫生方欲發言。卡治諾忽至。引女之手。曰。君卽道魯西亞。若翁非
克里那兜耶。女聞此人。識其父。則大驚。見其衣服破爛。驚乃愈甚。卽曰。君爲何
人。乃識吾翁。卡治諾曰。吾卽不幸之卡治諾。魯西達之聘夫也。爲背義之人。置
之極地。卽女士亦顛沛至此。均屬是人之過。試觀吾羸憊之狀。禍皆自忽地南
得肇之。吾自至是間。狂病發時。尙不知楚。惟有時而明。則苦惱之狀。至於非人
所堪。方忽地南得行禮之時。吾果隱諸幕後。觀其所爲。而魯西達實面許。身爲
其妻矣。吾當時願望全墜。忽忽奔出其門。然亦見魯西達之暈。至於懷出片紙。
但不識其何言。吾已出矣。自問別無餘望。但留書於友人之手。囑其面致魯西
達。謝絕人事。奔集此間。與社會長辭。甘拋其殘骨於此。固所願也。乃上天佑我。
而魯西達尙有心於藐躬。或後此尙有迴春之日。可以再見魯西達。卽女士亦
可圓其破鏡。此則吾意料之所不及者。惟吾之關係。不屬於女士。然惻隱之心。

何人無之不期。竟有休戚相關之意。吾今已立意。無論百死不悔。必使女士與忽地南得再續前歡。且敢立誓。期其必踐道魯西亞。感激欲行。謁謝而卡治諾力阻。以爲不可。醫生聞此二人。大加獎勵。卡治諾復以溫言慰勉。道魯西亞且請二人同至己家。易衣後。商定往尋忽地南得。並送道魯西亞面其二親。二人皆慨允其義舉。而薙髮匠僞爲女粧。默然無言。此時亦曰。二君果有需於我者。願爲盡死。卽言吾二人至此之故。一一述奎沙達狂易之狀。故來救之。今之淹留於是間。欲待奎沙達弟子報章也。卡治諾亦似憶及曾與奎沙達格鬪。投之以石。此時思及。竟髣髴如溫舊夢。卽曰。曾面其人。但不言格鬪之事。正於此時。忽聞喊聲。醫生及薙髮匠。知爲山差邦之聲。蓋山差邦來時。已見奎沙達。故沿路呼喊。覓此同來之二人。醫生呼曰。山差邦見若師乎。山差邦曰。吾與師別時。已少覺其異。今到山中相見。則清瘦益不可堪。但大聲呼打魯西尼亞不已。吾

言書已面遞。而打魯西尼亞。請師速歸土薄蘇勿延。顧雖如是。師仍不行。謂吾曰。吾今殊無面目。往面打魯西尼亞。非宣我武力大顯其名聲於當世。決不敢提面而前。失我聲價。嗟夫。兩先生苟不遄歸。恐不能得帝。且並主教。亦不能得。今請二君趣引之歸。不然。且死。醫生曰。汝勿戚戚。吾必以術脫爾。師於是間。醫生卽告卡治諾。以矯粧之故。並言薙髮匠之女。粧僞也。蓋欲以術脫奎沙達於死地耳。道魯西亞曰。我爲眞女。較僞粧者爲良。且吾亦讀俠義之書。知被難女子。見俠客應作何等哀痛之語。可以使之立動。醫生大悅曰。智哉女士。果欲行此策。趣爲之。想女士一至。必能成功。語後。女卽啓襖。取裙及衣。加以頸飾明珠寶石之屬。少少梳掠。美乃無度。衆皆稱羨。爭斥忽地南得之無目。而並無良。乃棄此而別有所戀。四人中最屬意者。卽爲山差邦。彼僧人深訝爲目。中所未曾覩。卽私問醫生曰。此女爲誰。又趁何風信。吹而至此。醫生曰。此女爲密考米堪。